



SIPI SA KATITIKAN NG IKALAWANG (2ND) PANGKARANIWANG PULONG NG SANGGUNIANG BAYAN NOONG ENERO 16, 2023 NA GINANAP SA SANGGUNIANG BAYAN SESSION HALL, NATIONAL HIGHWAY, BRGY. TIMUGAN, LOS BAÑOS, LAGUNA.

Dumalo : Bise Alkalde Josephine H. Sumangil - Evangelista, Tagapangulo
Konsehala Leren Mae M. Bautista
Konsehal Marlo PJ A. Alipon
Konsehal Jonathan Bryan S. Siytiap
Konsehal Miko C. Pelegrina
Konsehal Mark Lester B. Dizon
Konsehal Julius A. Moliñawe
Konsehal Benedicto S. Alborida
Konsehal Mike Dexter A. Concio
Konsehal Gaudencio P. Macatangay, Liga President
Konsehala Jozylyn N. Manansala, SK Federation President
Gng. Mirasol P. Mojica Pansamantalang Kalihim / LLSO II
Gng. Felomina I. Lincallo, LLSO I

Hindi-Nakadalo : Wala

Panauhin : Wala

KAPASIYAHAN BLG. 2023-21

KAPASIYAHANG HINIHING NG BAYAN NG LOS BAÑOS SA PAMAMAGITAN NG KAGALANG-GALANG PUNONG BAYAN ANTHONY F. GENUINO SA KAGALANG-GALANG NA PANGULONG FERDINAND ROMUALDEZ MARCOS, JR. NA MAPASAMA SA PAMBANGSANG PABAHAY PROGRAM ANG BAHAGI NG CAMP GENERAL MACARIO SAKAY, BARANGAY LALAKAY, LOS BAÑOS, LAGUNA (DATING CAMP ELDRIDGE) NA KINATATAYUAN NG KANILANG TAHANAN.

Mga nag-akda:

Mga Konsehal : Leren Mae M. Bautista, Marlo PJ A. Alipon,
Jonathan Bryan S. Siytiap, Miko C. Pelegrina, Mark Lester B. Dizon,
Julius A. Moliñawe, Benedicto S. Alborida, Mike Dexter A. Concio,
Gaudencio P. Macatangay, Jozylyn N. Manansala

[Handwritten signatures]

SAPAGKAT, noong Enero 3, 2023, nakatanggap ang Tanggapan ng Sangguniang Bayan ng Kapasiyahan Bilang 100-S-2022 mula sa Barangay Lalakay "Kapasiyahang pinagtatibay ng Sangguniang Barangay ng Lalakay ang kahilingan kay Kgg. Anthony "Ton" F. Genuino, Punumbayan ng Los Baños, Laguna na gumawa ng Resolusyon mula sa Sangguniang Bayan na hinihiling ng mga taga-Enlisted Men's (EM's) Barrio sa ating pangulong Ferdinand Romualdez Marcos, Jr., na mapasama sa pabahay program ang bahagi ng Camp General Macario Sakay, Lalakay, Los Baños, Laguna (Dating Camp Eldridge) na kinatatayuan ng kanilang tahanan.";

SAPAGKAT, ang layunin ng Sangguniang Barangay Lalakay ay mabigyan ng katuparan ang kahilingan ng Home Owners Association (HOA) President at mga kasapi nito sa Camp Gen. Macario Sakay na mabigyan sila ng karapatan na magmay-ari ng kanilang kinatitirirang bahay sa loob ng kampo;

SAPAGKAT, ang enlisted Men's (EM's) Barrio ay itinatag noong 1960 sa Camp Eldridge noon at pamilya ng mga sundalo ang mga naninirahan;

SAPAGKAT, ang mga nabanggit na lugar ay napamahal na sa mga retiradong sundalo at maging sa kanilang mga pamilya;

SAPAGKAT, ang mga residente ng Camp General Macario Sakay sa pamamagitan ng Pangulo ng Liga ng mga Barangay Kapitan Gaudencio P. Macatangay ay dumulog sa Sangguniang Bayan upang maiparating sa Kagalang-galang na Pangulong Ferdinand Romualdez Marcos, Jr., na mapasama ang bahagi ng kanilang lugar sa programa ng Pambansang Pabahay ng Kagalang-galang na Pangulo;


SAPAGKAT, ang mga Kagalang-galang na Konsehal ng Bayan ng Los Baños at Punongbayan Anthony F. Genuino ay kanilang kaisa na magkaroon ng maayos na tirahan ang mga residente dito na masasabi nilang kanila;

KUNG KAYA'T DAHIL DITO, sa mungkahi ni Konsehal Gaudencio P. Macatangay, pinangalawan ni Konsehal Jonathan S. Siytiap at buong pagkakaisang sinang-ayunan ng lahat ng konsehal na dumalo;

IPINASIYA, GAYA NG MAGALANG NA PAGPAPASIYA, ang Kapasiyahang hinihiling ng Bayan ng Los Baños sa pamamagitan ng Kagalang-Galang Punongbayan Anthony F. Genuino sa Kagalang-Galang na Pangulong Ferdinand Romualdez Marcos, Jr. na mapasama sa Pambansang Pabahay Program ang bahagi ng Camp General Macario Sakay, Barangay Lalakay, Los Baños, Laguna (dating Camp Eldridge) na kinatatayuan ng kanilang tahanan.

BUONG PAGKAKAISANG PINAGTIBAY : Enero 16, 2023

PINATUTUNAYAN KO ang kawastuhan ng Kapasiyahang ito.


MIRASOL P. MOJICA
Pansamantalang Kalihim ng Sangguniang Bayan / LLSO II

PINATOTOHANAN:


KGG. JOSEPHINE H. SUMANGIL - EVANGELISTA
Bise Alkalde / Tagapangulo